

## 2 Piyer

### Mbede ndeke di sidike ka Piyer daa

*Bay ka se tul feri ka do bil mbede ni key*

Mbede key na, i daa ha nzoɓ mbika lawri ka nzoɓ fe fere bayluri dara ri ka tul mbika law bari a i suru tigbaa-ri bay haɗa ri toɗ fal fe daa ɗmri. Ka bay ruu ziɗ fe niri key na, nzoɓ daa mbede key na koɗ nzoɓ mbika lawri bay haɗa ri kaw tul tuuka Ngerewuru bay Ngerembay Zezu Kri si na ka ɗɗo-ɗɗoɗ. Tuuka Ngerembayke na ba fe ka nzoɓ nasikeri laa bayke bay suku-ri a i ko feke bay nun-ri suo-ri ka luo Zezu a i suo i baa ha ri.

Bay ka se tul nzoɓri ka i baa mii, Ngerembay Zezu ti yi mbaa na, do nun haɗa nzoɓ mbika lawri ko mgbaka roy yi be na ba fe ka kie iki law bay law ini Ngerewuru ka'a hii bay haɗa nzoɓri riw bele suo ker bay ka tul fe daa kaaya bari.

*Maa bayri ka do bil-e*

Ngerewuru di nzoɓ mbika law a ha ni ped: 1

Bay ka tuɗ fe fere nzoɓ fe fere bayluri: 2

Bay ka se tul yi Ngerembay: 3

*Soko ka Piyer hii ha nzoɓ mbika lawri*

<sup>1</sup> Ba bi Simoɗ Piyer ka mi ba koy ped Zezu \*Krisi, a mi ba nzoɓ nday nzaaped be na, mi daa mbede key na ha ri baari ka i ya tusue bay ka

se tul Kriſi na maa k̄i munu ká ɓuru, ɓáy faa law kere Ngerewuru Nzob Yaana naari Zezu Kriſi ká ɗaa fe ɓáy zadɛ na. <sup>2</sup> Nɗad ɓay haɗa law huoke ɓáy ɗekeke ka sáɗ zinj r̄i wuruk wuruk ɓáy faa tuuka Ngerewuru ɓáy Ngerembay naari Zezu ɓa tusue.

### *Káw ɓa nzob Ngerewuru*

<sup>3</sup> ɓáy faa h̄urusuo Ngerewuru na, ka ha naari fer̄i riw bele ká náa séri síeke ɓay séke simseɗ kere ká rii law-ɛ, ɓay ji ɛ, náa tuuri Zezu \*Kriſi be ká'a ɗi naari, ɓay haɗa ɓo, naari kara rin ɗika ɓáy fe ɗáa be na ka ɓa taa naari ndaw. <sup>4</sup> Be ze, fer̄i ká'a waa ká ndad ɓamba tasiri na, ka ha naari ɓay haɗa ɓo, náa t̄jiri saa bil k̄on naysuo ká re mbay ká tusiri key ká'a ɓie nzobri, a í ɗaa fe ha ni ka maa k̄i ɓáy fe ɗáa Ngerewuru. <sup>5</sup> Saŵke mini ze, ì ɗaa h̄urusuo-r̄i riw bele tun k̄i ká tul tusue ɓay ká se tul Kriſi, í ɗaa fe kere ká rii law-ɛ. Ká tul fe ɗáa kereke na, ì ha tuuka Ngerewuru ka nde ɗi; <sup>6</sup> ká tul tuuka Ngerewuru na, ì ha mgbaka s̄uo ŋɔ-ŋɔŋ ka nde ɗi; ká tul mgbaka s̄uo ŋɔ-ŋɔŋ na, ì ha s̄u law ka nde ɗi; ká tul s̄u law na, ì ha simseɗ kere ká rii law Ngerewuru ka nde ɗi; <sup>7</sup> ká tul simseɗ kere ká rii law Ngerewuru na, ì ha mgbaka k̄i ɓáy kere ka nde ɗi; a tul mgbaka k̄i ɓáy kere laa ɛ, ì ha law ini ka nde ɗi. <sup>8</sup> Zadka ì ɗo ɓáy k̄iri fe niri key, roo fekeri na ŋɔŋ ká bil law-r̄i ɓa pola pola ɛ, ì ɗoko ɓáy h̄urusuo ɗáa fe, ha r̄i t̄uuke Ngerembay naari Zezu Kriſi na ta-taŋ. <sup>9</sup> A ze ɓo, nzob ká tike ya ɛ, ka ɗo munu ɓa nzob raw ká far zad raa raa. Feyaa ɓeri ká'a

ɔaa pola, ká Ngerewuru naa bayke ká tul-e a ha ni \*tan kad kad na ka yjinra sel.

<sup>10</sup> Be mini ze yu-iri, i ɔaa hurusuo-rɛ tun ki ba pola i mbike sùo-rɛ ha Ngerewuru bay tul diw be ká'a díke rɛ, a náake rɛ ɔo bod na. Zafka i ɔaa munu le, i ti wuru faa ya mgbaj. <sup>11</sup> Be ze, faa ɔo hoy nduo ha rɛ bay haɲa rɛ rɛi zad ká Ngerembay, Nzob Yaɲa naari Zezu Krisi re mbay ká di banɲo na. <sup>12</sup> Ze i ko na fe niri key ko, a i ɔo tul tusue bay ká se tul Zezu Krisi ká i yaa bayke na hoy kara, mi túma law-rɛ ká di banɲo. <sup>13</sup> Mi ko le, ɔo báy zadɛ, káw bi ká báy kumnun báy na, ba ped bi ká bay haɲa mi tuma law-rɛ, <sup>14</sup> bay ji le, mi ko báy kere, nam tòn ndji hoy bay haɲa mi pɔɲ tusiri key munu ká Ngerembay naari Zezu Krisi kie mi ha mi ko na. <sup>15</sup> Munu zu le, mi nzáa faa kpuru bay haɲa bo, fal hud bi hoy kara, i máa túma law-rɛ se tul fe niri key banɲo.

<sup>16</sup> I ko, zadka buru baa bay yi Ngerembay naari Zezu Krisi báy bawda hurusuo-e ha rɛ na, buru tuu ba súu ze ha rɛ ya. Roo le, buru ko bawda riɲ díka be báy nun buru gbak gbak. <sup>17</sup> Nam ká Ngerewuru Baa ɔaa mbay báy riɲ díka bo tul-e na, buru ɔo di ndaw. Kusol Nzob Riɲ Dika Luye mgbá ha ni laa mii: «Be key na ba Vu-i; mi ko ni ba nzob nun-i; ba be na ze sùo-i rii mi bamba ká tul-e\*.» <sup>18</sup> Buru ki sùo buru hoy kara, buru laa kusol nzob ká uru saa nulue na, bay ji le, buru ɔo zin ni mbijw ká tul kuo ká Ngerewuru naa ɔo bod na†. <sup>19</sup> Be ze, bay ká

\* **1:17** 1.17 Mat 3.17. † **1:18** 1.18 I kji Mat 17.1-8; Mrk 9.2-23; Luk 9.28-36.

\*nzob yaaŋa bayri saa nzaa Ngerewuru daa do bil mbede Ngerewuru na, buru daa law buru bo di ba tusue ki. Ba fe ka do ndad bamba bay hana ri te suku-ri bay kere i laake, bay ji e, bayke ku na do munu ba huu ndele ka hie gbie ka bil sun tilo kpuru maa bay nam ka Nzob Yaaŋa Nzobri vike, a ha zad tana be hie ka bil law-ri munu ka ruo tji gbalak a tan zad. <sup>20</sup> Pola e, ndad bay koko fe key na bay kere: bayri ka nzob yaaŋa bay saa nzaa Ngerewuru daa do bil mbede Ngerewuru na, nzob mbiw mini kara maa bay tina sawke bay tul gan suo-e ya. <sup>21</sup> Tusueke e, bayri ka nzob yaaŋa bay saa nzaa Ngerewuru tina sawke na, i tina bay faa law hiiya nzob pire nzob ya, roo e, Tem Law Pie ze nda faa pol-ri ha ri baake bay ka Ngerewuru ha ri na.

## 2

### *Bay ka se tul nzob fe fere bayluri*

<sup>1</sup> Nzobri ka i di suo-ri ba \*nzob yaaŋa bayri saa nzaa Ngerewuru na, i tji ka sakra nzob Ngerewururi ka pola lew. Do faa mbiw munu ndaw, nzob fe fere bayluri na kara, i tji sakra baari munu ndaw. Bay nzaa raa bay bari na, i fereke fe fere baylu ka daa ha nzobri bieke i seke kpuru i tunke Zezu \*Krisi ka ba Gan tul-ri ka tina ri saa bil hurusuo koy feyaa. Be mini ze, i dikake here Ngerewuru bo tul-ri ha ni bieke ri kod hoy. <sup>2</sup> Nzob mbika lawri ngji bamba i seke fal fe daa im bari. Fe daa kaaya nzob fe fere baylukeri ku na daa ha, nzobri ka i ko Ngerewuru ya na, i baake bay kaaya se tul faa tusue bay na. <sup>3</sup> Bay

faa kɔn lari ká bay zín na, nzob fe fére bayluri na, i úla rì bay zínke fe báy bay báa bari ká uru saa kay tul-ri na. Roo ɛ, ba d̄ɛ k̄i hɔy na, Ngerewuru Nzob Kún Sal Bay na d̄o d̄i ya bay d̄aa bay bo tul-ri. Be ká'a bíe ri na ka na-nam ya.

<sup>4</sup> I kɔ, leɗ nzaapedri ká nulue hɔy kara, zadka i d̄aa feyaa na, Ngerewuru d̄aa fe zín ri ya na munu ya, roo ɛ, ka mgba ri a sin ri báy sal lari a vbuku ri zuɔ bil huu ká ru-ruma ya, a kɔrɔ ri d̄o bil sun tilo ká mgba k̄i d̄o ndun kpuru bay gíyanke nam kún sal bay. <sup>5</sup> A nzobri ká pola lew na kara, zadka i d̄aa feyaa na, Ngerewuru d̄aa fe zín ri ya na munu ya, roo ɛ, ka h̄a mbam tɔ h̄a mbii ví yaa zadri remlen remlen riw bele ká tusiri key, a bíe nzobri ká i h̄ɛ ni ya na. \*Noe huo-ε, ká ka-káa fe d̄aa ká d̄o báy zadɛ k̄i hɔy ze Ngerewuru yaa ni báy nzob bil hul beri ká tɔnɔ say. <sup>6</sup> Robay, ngerepuo ká \*Sodom báy Gomor na kara, Ngerewuru kuɲ bay zuɔ tul-ri a bíe ri báy huu kuruk kuruk, a h̄a ni d̄o ba fe líe k̄i ká'a t̄i tul nzob t̄iri Ngerewururi. <sup>7</sup> Roo ɛ, \*Lod, nzob fe d̄aa báy zadɛ ká k̄er bay i ni bay tul fe d̄aa ʒm nzobri ká puokeri ku na, ka yaa ni, <sup>8</sup> bay ʒi ɛ, fe kaaya ká nzob fe d̄aa báy zadɛke kɔ a laa nam báy nam ká sakra bari na, d̄aa h̄a tul-e d̄o sikda ya. <sup>9</sup> Be mini ze, Ngerembay kɔ faa ká bay yaanake nzobri ká i se simsed ká rii law-ε ká tul fe ká t̄i tul-ri ndaw; a kɔ faa kóro nzob fe d̄aa kaayari d̄o fi mb̄iw h̄a here be bo tul-ri kpuru t̄i nam kún sal bay ndaw pi. <sup>10</sup> Kakalke ɛ, ka d̄aa here be bo tul nzobri ká i tɔɲ fal fe d̄aa ʒmri h̄a kɔnke d̄aa ri ha ri kóke h̄urusuo-ε ba fe ya.

Nzob fe fére bayluri ká mĩ baa bay bari ha rĩ na, i ba nzobri ká i kò sùo-ri ma-maa, a í ba nzob siika sùori. I hĩe nzob riŋ ðikari ká nulue ya, roo le, i tjiiri ri tjiiri. <sup>11</sup> Ze led nzaapedkeri ká nulue ká i ðo báy h̄urusuo ŋḡji bamba kal tul nzob riŋ ðikakeri ku na hoy kara, i baa bay a í ðáake bay bo tul-ri í tjiirike ri ká pol Ngerembay ya. <sup>12</sup> Roo le, nzob fe fére baylukeri ku na, fe ðáa bari ba fe ðáa nay bisuyri ká kér bay bari tiya, ká nzobri mgba ri í i ri. Bari nzobkeri ku na i rad fe ká i kò sawke ya. I huka munu ká nay bisuyri hu. <sup>13</sup> Fe kaayari ká i ðaa ziŋ nzobri na, Ngerewuru a yjiŋra se tul ri. Fe ðáa naysuo ká i ðaa ká bisie biribiŋ na ba suoriya bari. I ziŋ suoriya ká bil nzaa úla ká i ula nzobri ká nzaa fe s̄um law mbj̄w baari. Dol bari nzobkeri ká sakra baari ku na, ðo ba fe im ká bīe káw nzaa fe s̄um law mbj̄wke na a ba sahoj ðeŋ ðeŋ. <sup>14</sup> Nun-ri ba nun nzáa máy ðáa nun pieri baŋguo. Kón ðáa feyaa hu ká bil law-ri ya. Nzobri ká i ŋgoŋ ká bil mbika law ya na, i kuo ri ha ri taa ndaw. I ba nzob kóko nun fe. I ba ledri ká bebi Ngerewuru bo tul-ri! <sup>15</sup> I poŋ faa kere na a í wuru. I ðaa fe ðáa \*Balam, vu Bosor ká hii ðáa fe ndaya bay zínke lari, <sup>16</sup> a le, Ngerewuru yj̄w ni bay tul mbaka nzaa be, a h̄a máa maasoba ká baa bay ba mbj̄w ya na, baa bay báy kusol nzob ziŋ ni, a gbúke nzaa fe ðáa kòko nzob yaana bay saa nzaa Ngerewuru na ku\*.

<sup>17</sup> Nzob fe fére bayluri na, i ðo munu ba luo mbii ká huo kurum kurum. I ðo munu ba sii

\* **2:16** 2.16 I kji Ruo bari 22.21-30.

mbam ká zuu faa a kálke hɔn tan tókoke. Bari na, Ngerewuru kɔɔ zad ká sɪi a mgba kɪ do ndun bay tul-ri. <sup>18</sup> I sɪi sùo-ri ká tul bay báa bari ká gɔr, báy kòkò bayri. Báy faa kɔn naysuo na, i nzaa faa í kuo nzobri ká i ví tɪi timbede saa sakra nzobri ká i raw faa simsed bari. <sup>19</sup> Bari nzoɓ fe fére baylukeri ku na, i waa haɲa bari ká i ví tɪi timbede na, ha ri káw báy tul-ri, roo le, bari kɪ sùo-ri na, i ba koy kɔn fe naysuo ká'a bíe ri, bay ji le, nzoɓ ká daa koy na, ba koy fe ká re mbay ká tul-e. <sup>20</sup> I kɔ, nzobri ká i tɪi ká bil kɔn fe naysuo ká tukele key, báy tuuka ká i tuu Ngerembay Nzoɓ Yaana naari Zezu Krisi, rɔɔ í yɪi í rii dɪ ba kɪ ha ri mgba ri kek rɔbay na, nzobkeri ku na, i do ndaya bamba tasiri mba dol bari ká pola ku rɔbay. <sup>21</sup> Kereke le, haɲa ri kɔ faa kere ya saa sawke ndad mba haɲa ri tuu Ngerewuru, rɔɔ í yɪi í fére fal-ri ha ni, a í pɔɲ daa vu mbom bo tul \*bol kusol ká tan kaɗaɲ ká i ha ri na. <sup>22</sup> Fe ká tɪi tul-ri na, maa kɪ báy tusue sim bay ká baa mii: «Fe ká váy kuku na rɔɔ, a yɪi a laa ba kɪ†.» Rɔbay, «Mbel ká sùo mbii na, ka yɪi a daa sùo-ε nduo boɗo ba kɪ.»

### 3

#### *Nam yɪi Zezu Krisi*

<sup>1</sup> Baarì ká mɪ kɔ rɪ ba nzoɓ nun-i na, mbede ni key na ba ndeke dɪ sidike ro ze mɪ daa ha rɪ key. Ká bil mbederi ká sidɪ key na, mɪ tuma law-rɪ se tul fe fére ká i kɔ ro na bay sùruke tigbɔa rɪ ha

† 2:22 2.22 Sim bayri 26.11.

rì kërke bay ka se tul fekeri na báy faake. <sup>2</sup> Mì hii bay haṅa rì ker se tul bay ká \*nzob̄ yāaṅa bayri saa nzaa Ngerewuru baa pola lew, rɔɔ́ báy \*bol kusol ká Ngerembay Nzob̄ Yāaṅa naari fere rì ká ì yāa bayke báy faa \*nzob̄ ndáy nzaapedri na. <sup>3</sup> Pola le, m̀ hii bay haṅa rì laa bay key na ta-taṅ: ́rɔɔ́ bie namri na, nzob̄ri ká i dɔ́ bil kɔn fe d́aa naysuo ká mgbá law-ri na, i t̄ji í siɛ rì <sup>4</sup> í baa mii: «Zezu ká waa bay ví súo fe ba fie na wāa, ka dɔ́ haṅa le? Bulu bururi i hu ba d̄je hoy, a feri riw bele ká Ngerewuru d́aa na, dɔ́ munu ba d́okoke báy zad̄e báy tiika d́aa tusiri k̄j̄ hoy.» <sup>5</sup> Nzob̄ri ká i baa bay munu ku na, i kɔ́ fe kɔ́ ndāa rɔɔ́ í d́aa: ba d̄je lew na, Ngerewuru baa bay hoy le, tumbam báy tusiri dɔ́. Ka tina tusiri saa bil mbii, a haṅ mbii kiri ni gbuk bele\*. <sup>6</sup> Báy faa mbii na ndāw ze Ngerewuru b̄ieke tusiri, a haṅ ni yāa zad̄ remleṅ remleṅ†. <sup>7</sup> A bay ká se tul tumbam báy tusiri ká timbede laa le, Ngerewuru kɔ́rɔ́ ri báy faa bay ká mb̄jw na ku bay b̄ie ri báy huu. Ka kɔ́rɔ́ ri kpuru t̄ji nam kún sal bay. Ba nam ká'a d́aa bay bo tul nzob̄ri ká i h̄je ni ya na a bie ri.

<sup>8</sup> Roo le, baar̄i ká m̀ kɔ́ rì ba nzob̄ nun-i na, fe mb̄jw dɔ́ d̄i ku ká ì ti ȳj̄nra ya. Ká nun Ngerewuru na, nam mb̄jw ba mbiimbam isɔ́d sɔ́d duo zad̄ mb̄jw, a mbiimbam isɔ́d sɔ́d duo zad̄ mb̄jw laa le, dɔ́ ba nam ká mb̄jw. <sup>9</sup> Ngerembay na mgbá roy bay d́aa fe ká'a waa na ya munu ká nzob̄ haṅeri ker ku ya. Roo le, ka iki law-ε ká

\* **3:5** 3.5 I k̄ji Tiika saw fe 1.6,9. † **3:6** 3.6 I k̄ji Tiika saw fe 7.21-22.



tul-rì, bay ji ɛ, ka hii bay haɲa nzob mbjw kara ka b́ie ya. Ka hii bay haɲa nzobri riw bele i suo ḱer bay bari ká tul fe d́aa k̲aya bari.

<sup>10</sup> Nam vika Ngerembay na d́o munu ba nzob riiba ká t̲ii mbuda. Namke ku na tumbam a zékre b́ay bawda gire fe ká mgba vbubu. Síe b́ay few rɔɔ b́ay mbaymawri na huu a tay ri kpɔlɔk kpɔlɔk. Tusiri b́ay feri riw bele ká d́o bil-e na, ti d́oko mb̲aa‡. <sup>11</sup> Munu ká feri riw bele a b́ie munu ku na w̲aa, simsed̲ baar̲i a d́oko mina ro ɛ? Ndad̲ bay haɲa r̲i se simsed̲ ká \*taɲ kad̲ kad̲, í mbi sùo-r̲i b́ay zad̲e ha Ngerewuru <sup>12</sup> í gíyanke nam kún sal bay be na, í d́aa h̲urusuo-r̲i tuɲ k̲i bay haɲa namke ku na ka vi kod̲ h̲oy. Ba nam ká tumbam a b́ie b́ay huu, síe b́ay few rɔɔ b́ay mbaymawri na, i s̲áa ká bil r̲im huu ká se bilam bilam. <sup>13</sup> Roo ɛ, naari na, Ngerewuru waa tumbam fie b́ay tusiri fie, ba zad̲ ká nzobri d́aa fe b́ay zad̲e ká d̲i. Be ze ba fe ká náa gíyanri na zu.

<sup>14</sup> Be ze, baar̲i ká m̲i kɔ r̲i ba nzob nun-i na, pola rɔɔ bay haɲa namke ka vi na, ì d́aa h̲urusuo-r̲i riw bele ka tuɲ k̲i bay d́oko taɲ kad̲ kad̲ ká pol-e, taɲ fe k̲aya ká nun-ε nd̲aw, rɔɔ bay d́oko d̲ekeke z̲in n̲i nd̲aw pi. <sup>15</sup> I ḱer í kɔ, roy ká Ngerembay mgba na, ba faa ká'a íkike law-ε bay haɲa nzobri z̲inke pam munu ká yu naari Pol ká náa kóri ni ba nzob nun naari na, ka d́aa mbede ha r̲i b́ay nun nzem ká Ngerewuru ha ni. <sup>16</sup> Ká bil mbede beri riw bele ká'a baa bay se

‡ **3:10** 3.10 Nzoɔ ndáy bay haneri baa mii: «Tusiri b́ay feri riw bele ká d́o bil-e na kara, huu a tay ri nd̲aw.»

tul fe niri key ká dī na, ka baa bayke na banquo. Bay haneri ká dō bil mbedeke ku na kóko sawke ngon bamba. A le, nzobri ká i ko fe ya a í bar saw ya na, i suo kér bayke, munu ká i dfaa dō bil zad k̄iri ká bil mbede Ngerewuru ndaw. Be ze, i ð̄eke s̄o-ri s̄o-ri.

<sup>17</sup> A baari nzob buo-iri na, timbede key na m̄i baka r̄i ro. Munu zu le, ð̄ nze báy s̄o-r̄i bay han̄a nzob law ndayari ká i wuru faa kere na, i kúo r̄i ha r̄i pón̄ tusue bay ká se tul \*Krisi ká ð̄ dfaa law-r̄i bo dī na ya. <sup>18</sup> Roo le, ð̄ ngon ká bil law kere Ngerembay Zezu Krisi, Nzob Yaana naari a í t̄uke ni ba pola pola. Rin̄ d̄ika ba taa be, timbede key ndaw kpuru banquo kpadara. Amem! Ndad̄ bay han̄a ni ka dō munu na k̄i!

**Mbede sáka kuni fie**  
**New Testament in Kuo**

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 22 Feb 2024 from source  
files dated 29 Jan 2022

1bae8b8b-6141-55e9-b352-adf7a01da5f4